



Inatsisartunut Ilaasortamut
Anna Wangenheimimut
Demokraatit

08-02-2022
Suliap normua: 2022 - 3518
Akt. id. 19240936

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

Psykologimit ikiorserneqarnissap inatsisitigut piumasaqaataanissaa pillugu § 37 naapertorlugu apeqqummut nr. 033-2022-imut akissut

Asasara Anna Wangenheim.

Apeqqutinnut qujanaq. Apeqqutit ataasiakkaarlugit akissummik malitseqartillugit ataani issuarneqarput.

1. Pisortanut allaffissornikkut kingunissaat suussappat, meqqat 18-nik inorlugit ukiullit kinguaassiuutitigut atornerlunneqarsimasut tarnip nakorsaanit ikiorserneqarnissamik inatsisitigut piumasaqaatitaqalernissaa eqqunneqassagalarpat?

Meeqqat 18-t inorlugit ukiullit kinguaassiuutitigut atornerlunneqarsimasut psykologimik ikiorserneqarnissamik pisinnaatitaaffeqalersinnaanerisa eqqunneqarnissaa pillugu politikikkut aalajangiisoqarnikuunngilaq. Taamaalillunilu aaqqissuussinerup taamaattup qanoq ilusilerneqarnissaa taamatuttaaq aalajangiiffiqineqarnikuunngilaq. Allaffissornikkut aningaasaqarnikkullu kingunissai naatsorsorniarlugit, pissutsit arlallit qulaajaavigineqarnissaat pisariaqarpoq. Assersuutigalugu ingerlatsinerit qanoq ilusilerlugit neqeroorutigineqarsinnaanersut, ingerlatsinerit neqeroorutigineqarneri kikkunnit akisussaaffiqineqassanersut, aamma ingerlatsinissanut akuersissuteqarnerni aalajangiinerni tunngavissaliisoqassanersoq qulaajaqqaarneqassapput. Taamaammatt massakkuugallartoq taamatut naatsorsuinissamut paasissutissanik tatiginartunik Naalakkersuisut peqanngillat.

- a) Pisortanut allaffissornikkut kingunissaat aamma suussagalarpat meqqamut kinguaassiuutitigut atornerlunneqarsimasumut angajoqqaajusunut/paaqqutarinnittuusumut inatsisitigut piumasaqaatit assinganik atuutissagalarpata?**

Qulaani akissutigineqartoq takuuk.

2. Naalakkersuisut siunnersuutigisinnaanerlugu qanoq inatsisitigut piumasaqaat taamatut isikkulik inatsisini atuutilersinnaanera?



Inatsisiliornermi psykologimit ikiorneqarnissap inatsisigut piumasaqaatinngortinneqarnissaa pillugu piviusunik Naalakkersuisut pilersaaruteqanngillat. Kinguaassiuutitigut atornerlunneqarsimanermik eqqugasut psykologimit ikiorneqarnissamik neqeroofigineqartarnissaasa kissaatiginartuunera Naalakkersuisut isumaqatigaat, aamma taamaammat psykologimit ikiorneqarsinnaanerup ajornanginnerulersinneqarsinnaanera pillugu suliniutinik assigiinngitsunik arlalinnik Naalakkersuisut suliaqarput.

Meeqqanut inuusuttunullu atugarliortunut suliniutit patajaallisaavigineqarnissaat pillugit qallunaat- kalaallilu oqartussaasoqarfiisa assigiinngitsunik suliallit akornanni suleqatigiinnermi suliniummi ataatsimi meeqqat atornerlunneqarsimasut katsorsarneqarnissaannut angalaaqatigiittartut, psykologinik marlunnik aamma psykoterapeutinik marlunnik inuttaqartut nunamilu tamarmi angalaartartut, aamma meeqqanut inuusuttunullu kinguaassiuutitigut atornerlunneqarsimasunut qulaajaanermik katsorsaanermillu suliaqartartut, patajaallisaavigineqarnissaat pineqarpoq. Tamatuma saniatigut psykologit tigumminnaarnissaannut psykologinillu amerlanerusunik atorfinitsinissamut ikorfartuutaasussanik suliniutinik Naalakkersuisut suliaqarput.

3. Naalakkersuisut sammisamut allamik ilisimatitsissuteqarsinnaanerlutik?

Meeqqanut inuusuttunullu kinguaassiuutitigut atornerluisarnerup pitsaaliorneqarnissaa siunertaralugu ilaqutariit ataasiakkaat patajaallisaavigineqarnissaat aamma angajoqqaat piginnaasaasa ukkatarineqarnerat pillugit Naalakkersuisut suliaqarput. Angajoqqaat namminneq kinguaassiuutitigut atornerlunneqarsimasut, namminneq kinguaassiuutitigut atornerluinissaminnut annertunerusumik aarlerinartorsiortartut misilittakkat takutippaat. Ilaqutariit, angerlarsimaffiminni nalaassaqaarnerlussinnaanermik immikkut aarlerinaateqartut, sukkasuumik kinaassusersinissaannik suliaqarnitsigut, innarliinerit pitsaaliorniarsinnaavagut. Tamanna MANU aqqutigalugu pisarpoq, tassanimi angajoqqaat angajoqqaanngortussallu tapersersorneqarlutillu ikiorneqartarput. Tamatuma saniatigut psykologimit ikiorneqarnerup il.il. saniatigut, pitsaasunik tapersersuisunillu attaveqarfeqarneq, nalaassaqaarnerlussimanermit katsorsarneqarnermut annertuumik iluaqutaasarnera misilittakkat takutissimavaat. Taamaammat psykologimit ikiorneqarnissamik neqerooruteqarnerup kisimiinnginnissaa pingaaruteqarpoq, kisianni meqqamut nalaassaqaarnerlussimasumut attaveqarfiit patajaallisaavigineqarnissaat pillugit ukkataqarneq taamatuttaaq pingaaruteqarluni, matumani angajoqqaat/angajoqqaarsiat, atuarfiit, ulluunerani paqqinniffiit ilaalu ilanngullugit.

Inussiarnersumik inuulluaqqusillunga


Paneeraq Olsen